

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- लोकसभा चुनावों दे 6में गेड़ लेई जारी प्रचार अभियान अज्ज संजा समाप्त होई जाग। इस गेड़ तैहत 58 चुनावी हल्के उप्पर 25 मई गी वोट पोआए जांगन।
- महत्व आले अनंतनाग-राजौरी चुनावी हल्के लेई जारी प्रचार मुहिम बी अज्ज संजा समाप्त होई जाग।
- श्रक्षा अमले दे प्रमुख होरें देश दी साइबर रक्षा छमताएं गी मजबूत करने दा आह्वान कीता ऐ।
- बधा'रदी गर्मी दे प्रकोप गी ध्यानै च रखदे होई प्रशासन नै सलाह जारी कीती ऐ।
- अज्ज बुद्ध पूर्णिमा दा पर्व देसै दे बक्ख-बक्ख हिस्सें च धार्मिक श्रद्धा कन्नै मनाया जा'रदा ऐ। राष्ट्रपति ते उपराष्ट्रपति होरें लोकें गी मुबारकबाद दित्ती ऐ।

<><><><><><>

6th Phase

चला करदे लोकसभा चुनावें दे 6में गेड़ लेई चुनावों प्रचार अज्ज संजा खत्म होआ करदा ऐ। आम चुनावें दे पैहले 5एं गेड़ें दा मतदान होई चुके दा ऐ ते 6में गेड़ लेई 25 मई गी वोट पाए जांगन। इस गेड़ च जम्मू कश्मीर दी इक सीट सनें 6 राज्यें ते दऊं केन्द्र शासत प्रदेशें च फैली दियां 58 संसदीय सीटें च मतदान होग। हरियाणा दिएं सब्बने 10 सीटें दे कन्नो कन्नी बिहार दिएं 8, झारखंड दियां 4, ओडिशा च 6, उत्तर प्रदेश दियां 14, पच्छिम बंगाल च 8, राष्ट्री राजधानी क्षेत्र दिल्ली दिएं 7 सीटें लेई इस गेड़ च वोट पाए जांगन। इस गेड़ च कुल 889 मेदवार अपने सियासी भागें गी आजमा करदे न।

<><><><><><>

Anantnag-Rajouri

जम्मू कश्मीर च अनंतनाग-राजौरी चुनावी हल्के लेई जारी प्रचार मुहिम बी अज्ज संजा समाप्त होई जाग। इस चुनावी क्षेत्र च बी 25 मई गी लोकसभा चुनावों दे 6में गेड़ तैहत वोट पोआए जांगन। पिछले म्हीने चुनावों आयोग नै खराब मौसम दे चलदे इस सीट लेई मतदान दी तरीक 7 मई शा अग्गे बधाइयै 25 मई करी दित्ती ही।

अनंतनाग—राजौरी चुनावी हल्के च कुल 18 लक्ख 30 ज्हार 294 वोटर 20 मेदवारें दे भागें दा फैसला करगंन। उआं मुख मकाबला पीडीपी प्रमुख महबूबा मुफती, नैशनल कांफ्रेंस दे मियां अल्ताफ ते अपनी पार्टी दे जफर इकबाल मन्हास बश्कार दिक्खेआ जा'रदा ऐ। उआं बीजेपी नै इस सीट लेई अपना मेदवार नेई खडेरे दा, पर नैशनल कांफ्रेंस ते पीडीपी बीजेपी उप्पर दुई पार्टी गी समर्थन देने दा आरोप ला'रदी ऐ। 2022 च बनाई गेदी अनंतनाग—राजौरी सीट इस ब'रे दे लोकसभा चुनावं च श्रीनगर ते बारामुला चुनावी हल्के च भारी मतदान दे मगरा मुख केन्द्र बनी दी ऐ। इस सीट च जम्मू दे कन्नोकन्नी कश्मीर संभाग डे 18 विधानसभा क्षेत्र ते जम्मू दे 7 विधानसभा क्षेत्र राजौरी, नौशहराए बुद्धल, थन्नामंडी, सुरनकोट, पुछ ते मेंढर शामिल न। कश्मीर घाटी दी सीट च मते कश्मीरी वोट ते जम्मू खित्ते दी सीट च मते गुज्जर बक्करवाल पहाड़ी वोटरें दा दबदबा ऐ। 2004 ते 2014 ब'रे च अनंतनाग सीट थमां महबूबा मुफती नै जित्त हासल कीती ही जदके नैशनल कांफ्रेंस नै इस सीट उप्पर 2019 ब'रे च जित्त हासल कीती ही।

<><><><><><><>

KP Voters

लोकसभा सीट दे मतदाताएं च तकरीबन 27 ज्हार विस्थापत पंडत बी शामिल न। इत्थें 25 मई गी वोट पोआए जाने न। आकाशवाणी जम्मू दे संवाददाता होरें जानकारी दित्ती ऐ जे खित्ते दे 18 चुनावी हल्के च सब्बने शा मते 18 लक्ख 30 ज्हार 294 वोटर न, जिदे चा 9 लक्ख 30 ज्हार 379 मर्द ते 8 लक्ख 99 ज्हार 888 महिलां वोटर शामिल न। इनें विस्थापत पंडतें लेई जम्मू च 21 मतदान केन्द्रें दे इलावा 8 सहायक केन्द्र बी स्थापत कीते गे न की जे अनंतनाग—राजौरी च विस्थापत मतदाताएं दी गिनतरी बड़ी मती ऐ। उआं केई मतदाताएं दे घर थमां वोट पाने दी पैहल दे राएं डाक मतपत्र दा विकज्प चुनेआ ऐ। इस लेई जगती टाउनशिप जनेई थाहरे उप्पर रौहने आले मतदाताएं लेई विशेष प्रावधान कीते गेदे न।

<><><><><><><>

Security

राजौरी ते पुंछ च सुरक्षा दे निग्गर बंदोबस्त कीते गेदे न। इत्थें औंदे सोमवारे लोकसभा चुनावं दे 6में गेड़ तैहत वोट पोआए जांगन। इनें दवै जिले च हाल दे दिनें च आतंकवादी हमले च बाद्दा दिक्खेआ गेआ ऐ। इस लेई सीआरपीएफ ते सशस्त्र पुलस दे बाद्दू 25 ज्हार सुरक्षा कर्मिएं दी तैनाती कन्नै सुरक्षा ग्रिड गी होर निग्गर करी दित्ता गेआ ऐ।

राजौरी ते पुंछ दवै जिले च पाकिस्तान दी नियंत्रण रेखा कन्ने लगदे इलाके न, इस लेई एह शैका कीती जा'रदी ऐ जे पाकिस्तान चुनाएं च खलल पाने लेई नियंत्रण रेखा थमां आतंकवादिएं दे धुसपैठ दी कोशश करी सकदा ऐ। नियंत्रण रेखा उप्पर सुरक्षा दे सख्त बंदोबस्त कीते गेदे न। एहदे इलावा सुरक्षा कर्मी पैहले थमां गै पीर-पंचाल दे जंगलें च आतंकवाद विरोधी खोज अभियान च लगे दे न। कल जम्मू दे डिवीजनल कमीशनर होरें पुंछ दा दौरा लाया ते चुनां गी सुवारू ढंगै सिर तोड़ चाढ़ने लेई कीते गेदे बक्ख-बक्ख प्रबंधें दा जायजा लैता।

<><><><><><>

Vice President

उपराष्ट्रपति जगदीप धनखड़ होर 19 मई गी हैलीकाप्टर हादसे च ईरानी राष्ट्रपति इब्राहिम अब्दुल्लाहियन ते दुए ईरानी अधिकारिएं दी मौत पर आयोजित आधिकारिक कार्यक्रम च हिस्सा लैने लेई तेहरान पुज्जी गेदे न। उपराष्ट्रपति हुंदे तेहरान पुज्जने पर ईरान दे अधिकारिएं उंदा सुआगत कीता। केइएं देशें दे राष्ट्रध्यक्ष, मंत्री ते विशेष दूत खीरी संस्कार च शामिल होने लेइ तेहरान पुज्जी गेदे न। राष्ट्रपति द्रौपदी मुर्मू, प्रधानमंत्री नरेन्द्र मोदी ते विदेश मंत्री डॉ. एस.जयशंकर होर बी ईरान सरकार ते लोकें प्रति अपनियां संवेदना प्रगट कीतियां न। कल तेहरान विश्व विद्यालय च सवर्गीय लीडरें दा मुख्ख सारें गी समारोह शुरू कीता गेआ हा। कल तेहरान च ईरानी सरकार नै सार्वजनिक छुट्टी दी घोषणा कीती ही। रायसी हुंदे पार्थिव शरीर गी अज्ज हुदी जद्दी थाहर मशाड च सपुद्रे खाक कीता जाग। भारत नै 21 मई गी राष्ट्रीय सोहग नै घोषणा कीती ऐ।

<><><><><><>

CDS Cyber

रक्षा अमले दे प्रमुख जनरल अनिल चौहान होरें भारत दिएं साइबर रक्षा छमताएं गी होर बी मजबूत करने दी लोड़ पर जोर पाया ऐ। जनरल चौहान होरें कल नमीं दिल्ली च "एक्सरमाइज साइबर सुरक्षा 2024" विषे पर लोआए गेदे कार्यक्रम च हिस्सा लैंदे होई सब्बने सरबंधत लोकें गी आपुं च तालमाल रखने पर जोर भरेआ ते उभरा करदे साइबर खतरे कन्ने निबड़ने लेई इक सैहयोगी वातावरण गी बढ़ावा देने आली पैहल दी सराहना कीती। रक्षा मंत्रालय नै आखेआ ऐ जे व्यापक साइबर रक्षा अभ्यास 20 थमां 24 मई तगर रक्षा साइबर अर्जेसी आस्सेआ आयोजित कीता जा'रदा ऐ। एहृदा मकसद सब्बै साइबर सुरक्षा संगठनें गी साइबर रक्षा क्षमता गी विकसित करना ते सब्बने हितधारकें बश्कार तालमेल गी बढ़ावा देना ऐ।

<><><><><><>

Terrorist Property

दक्खनी कश्मीर दे जिला शोपिया च पुलस ते आपूं गै बनी बैठे उे आतंकवादी कमांडर दी संपत्ति गी कुर्क कीता ऐ जेहड़ा जे जिले ते आले दुआले दे इलाकें च बक्ख-बक्ख आतंक सरबंध मामले व कथित तौर पर मुलव्वस हा। सोशल मीडिया साईउ एक्स उप्पर पुलस नै इक पोस्ट च आखेआ जे आतंकवादी कमांडर आबिद रमजान शेख उर्फ सैफुउल्लाह उर्फ खालिद नोजवान लोकें गी आतंकवादी गतिविधिएं च शामिल होने लेई उकसांदा हा ते खित्ते च बक्ख-बक्ख हिंसक घटनाएं च बी एहदा नां जोड़े दा ऐ, पुलस दी एह कारवाई उसले होई जिसलै बीजेपी दे साबका सरपंच गी जिले च गोली मारियै उंदी हत्या करी दित्ती ही। साबका सरपंच एजाज अहमद शेख जेहडत्रे जे शोपिया दे हीरपोरा गां दे रौहने आले हे ते उनेंगी शनिवार गी उंदे धरे च गै गोली मारियै हत्या करी दित्ती ही।

<><><><><><>

Justice Oath

जम्मू कश्मीर ते लद्दाख हाई कोर्ट दे प्रमुख न्यायधीश जस्टिस एन.कोटेश्वर सिंह हुंदी मजूदगी च जस्टिस वसीम सादिक नरगल होरें गी जम्मू कश्मीर ते लद्दाख दे हाइ कोर्ट दे अतिरिक्त जज दे तौरा पर संगंध चुकाई गई। इस मौके कनून सरबंधी शख्सियतां ते सिविल ते पुलस प्रशासन दे वरिष्ठ अफसर बी इस मौके पर उत्थें मजूद हे।

<><><><><><>

Heat Wave

जम्मू ते आले दुआले दे इलाकें च गर्मी होर तेज होई गई ऐ। जम्मू दे जिला मैजिस्ट्रेट होरें शैहरदारें गी मते गै गर्म मौसम ते लूह आले हालात गी दिखदे होई अपने स्वास्थ्य दा ख्याल रखने दी अपील कीती ऐ। इक ब्यान च जिला मैजिस्ट्रेट सचिन कुमार वैश्य होर हर इक गी प्रयाप्त मात्रा च समें-समें उप्पर पानी ते तरल पदार्थ पीने ते मते गै ताप आले समें उप्पर बाहर जाने कोला परहेज करने ते बुर्जुगें ते बच्चें दा खास तौरा पर ख्याल रखने दी बी अपील कीती ऐ। उनें आखेआ जे हर समें लोकें लेई जम्मू दे आपातकाल नंबर 0191-2571616 उप्पर संपर्क करियै कुसै बी आपातकाल स्थिति लेई पूरे हफते उपलब्ध न। उनें लोकें गी अगग साहलने आले विभाग दे नंबर 101 उप्पर कुसै बी अगग अरली घटना दे बारे जानकारी देने ते जंगलें च अगग दे बारे जानकारी जम्मू रेंज दे जंगलात मैहकमे दे अफसर दे नंबर 9419175278 उप्पर संपर्क करियै देइ सकदे न। कुसै बी मैडिकल एमरजेंसी लेई 108 नंबर उप्पर संपर्क करने दी बी सलाह दित्ती।

<><><><><><>

Budhha Purnima

भगवान बुद्ध हुंदी जंयति दे तौरा पर बुद्ध पूर्णिमा अज्ज देसै दे बक्ख-बक्ख हिस्सें च श्रद्धा भाव कन्नै मनाई जा करदी ऐ। राष्ट्रपति ते उपराष्ट्रपति होरें बुद्ध पूर्णिमा दी पूर्व संजा पर राष्ट्र गी शुभकामनां दित्तियां न। राष्ट्रपति द्रौपदी मुर्मू होरें अपने सनेह च आखेआ जे भगवान गौतम बुद्ध होरें सत्य, अहिंसा, हिर्ख-प्रेम सने इंसानियत कन्नै प्रेम दा सनेआ दित्ता ऐ। उनें गलाया जे भगवान बुद्ध हुंदी सहिष्णुता, आत्म जागरूकता ते शैल आचरण दियां सिक्खेआ सब्बने गी मानवता दी सेवा करने लेई प्रेरित करदियां न। उपराष्ट्रपति जगदीप धनखड़ होरें अपने सनेह च आखेआ जे भगवान गौतम बुद्ध दुनिया सिक्खेआ नैतिक आचरण, दमागी अनुशासन ते ज्ञान च शामिल जीवन दी खोज आस्तै इक परिवर्तनकारी खाका पेश करदियां न। श्री धनखड़ होरें आखेआ जे भगवान बुद्ध दे चार आर्य सत्य ते अष्टांगिकमार्ग ते सिद्धांत लोकें गी करुणा ते अहिंसा बक्खी लेई जंदे न।

<><><><><><>

LG

उपराज्यपाल मनोज सिन्हा होरें बुद्ध पूर्णिमा दे मौके उप्पर लोकें गी मुबारकबाद दित्तियां न। इक सनेह च उपराज्यपाल होरें आखेआ जे भगवान बुद्ध नै मानवता गी शांति, अहिंसा, बिजन कुसै लालच दे सेवा मान ते गुणे नै भरौची दी बत्तें उप्पर टुरने लेई संदेश दित्ता। उंदा म्हेशां गै सच्चाई, आपसी भाईचारे दी बत्ते गी अपनाने दे संदेश दित्ता ऐ ते द बुज्झी ऐ जे एह ध्याड़ा हर इक लेई शांति, रमानदारी ते खुशहाली लेइयै औग।

<><><><><><>